

NORICVM.

LAVREACVM Antonino in Itinerario, vulgò *Lork*. Metropolis olim, vbi nunc Anazianum oppidum sita. *Theodoro* huius Episcopo Symmachus Pontifex Romanus Pallium concessit, vt superius dictum est ex Epistola Symmachi, quæ tamen mihi dubia esset, nisi apud melioris notæ scriptores rerum Germanicarum haberetur. Præter hunc Theodorum, *Maximilianus* eiusdem sedis Episcopus sub Diocletiano legitur, sicut & *Constantinus* sub Iustiniano, apud Lazium vbi suprâ.

PETOVIVM Ptol. lib. 2. cap. 15. vulgò *Petaw*, Gallis *Passaw*. *Erchenfridus* huius primus Episcopus constitutus dicitur in Metropoli Salisburgensi, circa annum 598. sub Theodone tertio Duce Bauariæ.

IVVAVIA, Iouavi Antonino in Itinerario, alijs Salisburgum, vulgò *Salzburg*. D. *Rudpertus* huius primus Episcopus dicitur in historijs Metropolis Salisburgensis, & apud eam, sedem Episcopalem instituisse, circa finem sexti sæculi, Theodonis Ducis ætate.

O VIL A B I S Antonino in Itinerario, vulgò *Lambach*, teste Lazio lib. 2. de Repub. Romana, qui etiam asserit *Moderatum* huius Episcopum fuisse sub Iustiniano.

SOLVA libro Notitiarum, vulgò *Soluvveide*. Inter Episcopales ciuitates sub Arcadio & Honorio recensetur à Lazio ibid. qui tamen huius Episcopum non nominat, nisi *Modestum* sub Pipino Rege Francorum.

DALMATIA.

SALONA, Salonæ Colonia Ptol. lib. 2. cap. 17. hodie *Saldon*, Dalmatiæ Metropolis. *Glycerius* huius Episcopus nominatur apud Euagrium lib. 2. cap. 16. & *Natalis* apud D. Gregorium in permultis epistolis, quas ad illum scripsit.

IADERA Plin. ibid. hodie *Zara*. *Felix* Episcopus Iadræ interfuit Concilio Aquileiensi sub Damaso.

EPIDAVRVS Ptol. ibid. vulgò *Ragusa*. D. Gregorius epist. 8. & 9. lib. 2. indict. 11. meminit *Florentij* Episcopi Epidauritani.

SCODRA Ptol. ibid. vulgò *Scutari*. D. Gregorius epist. 36. lib. 1. indict. 9. meminit *Stephani* Episcopi Scodræ.